

جَزَائِرَ حَاكِمَتِ

جمعه ایرتسی

نومرو	محرم	سنه	ایلول	سنه	صحیفه
۴۱۲	۱۳	۱۳۰۵	۱۹	۱۳۰۲	۴۵۱۱

(اشبو غزته بهر هفته جمعه ایرتسی کونلری چیقار سنه لکی درسعات ایچون محیدیه یکر می)
 (غروش حسابیه التمش غروشدر طشره لر ایچون اون بش غروش پوسته اجرثی ضم اولنور بهر)
 (نسخه سی ینه محیدیه یکر می غروش اولوق اوزره یوز پاره یه هر یرده صاتیلور درج اولنه جق اعلا ناک)
 (هر برندن بر محیدیه اخذ اولنور سنه لکنه مشتری اولوق استیانلر عدلیه نظارتی داترسنده کان)
 (جریده محاکم اداره سنه مراجعت ایلملیدر)

قسم رسمی

توجیهات

جسر ارکنه بدایت محکمه سی ریاستی دیمتوقه قضاسی
 بدایت محکمه سی مدعی عمومی معاونی رضوان
 بکه

دیمتوقه قضاسی بدایت محکمه سی مدعی عمومی
 معاونلکی مکتب حقوق شاهانه مأذونلرندن احد سالم
 افندی به

درسعات بدایت محکمه سی برنجی جزا داتره سی
 باش کتابت معاونلککنه داتره مذکور برنجی
 صنف ضبط کاتبلرندن سلامی بک تعیین اولنمشدر

کوملچنه سنجاغی بدایت محکمه سی مدعی عمومی
 معاونلکی تکفور طاغی سنجاغی بدایت محکمه سی
 مدعی عمومی معاونی احد زاهد افندی به
 تکفور طاغی سنجاغی بدایت محکمه سی مدعی
 عمومی معاونلکی جسر ارکنه بدایت محکمه سی
 رئیس ثریا افندی به

(في ٧ محرم سنه ٣٠٥ وفي ١٢ ايلول سنه)
 (٣٠٣ تاريخنده در سعادت محاکم رؤسائيه)
 (پوسته و تلغراف نظارت عليه سنه و طشره)
 (مدعی عمومیلکرینه یازیلان محررات عمومیه)
 (صورتیدر)

محاکم نظامیه دن پوسته خانه لره تودیعاً ارسال
 اولتقدده اولان احضار ورقه لریله پروتستو
 وسکوسترو کبی اوراق ایچون دوائر عدلیه جه
 استیفا اولنان خرج تعرفه مخصوصه یه مستند
 اولدیغی کبی پوسته اجرتک دخی بشقه جه اصحاب
 مصالح طرفندن تسویه اولتیق واشبو اوراقک
 پوسته خانه جه اوراق سائر رسمیه دن تقریبی
 قابل اوله بیلک ایچون بوکبی اوراق مطروفاً
 کوندرملکده ایسه ظرفی اوزرینه و اچیتدن تسلیم
 ایدلمکده ایسه ورقه سی ظهرینه (اجرتی صاحبی
 طرفندن ویریله جکدر) اشارتک وضع و تحریر یله
 اجرت اعطا ایتدیرلمسی خصوصی تلغراف و پوسته
 نظارت علیه سنک اشعار اوزرینه فی ٢٣
 شعبان سنه ٩٩ تاریخیه تعمیماً اشعار اولندیغی
 حالده اشعار واقع احکامنه رعایت ایدلمدیکی
 بو کره نظارت مشار الیه دن تأکیداً وارد اولان
 تذکره ده بیان اولمش اولدیغندن بعدما تحریرات
 مذکوره احکامنه بتمامه توفیق معامله اولتمسی
 ضمننده لازم کلانلره تبلیغات مقتضیه اجرایی
 ایچون اشبو تحریراتک نسخ مطبوعه کافیه

(مرعیت احکامنه بالاستیذان اراده سببه)
 (جناب پادشاهی شرفصادر بیوریلان معادن)
 (نظامنامه سندن مابعد)

اون سکزنجی ماده معدن تحریسینه مأذون
 اولان کسینه و یا شرکت حائز اولدیغی رخصتی
 والی ولایتک اذنیله اخره ترک و فروخت ایده بلور
 فقط یکریمی برنجی ماده موجب جبه اثنای تحریده
 اخراجیه مأذون اولدیغی مواد معدنییه بی معادن
 اداره سنک معلومات و مأذونیتی اولدیقه هیچ
 بر صورتله صرف و فروخت ایده من

اون طقوزنجی ماده معدنک مدت تحریبی
 تکمیل اولوبده رخصتنامه یه مالک اولان کسینه ک
 شرائط نظامیه بی اجرا و اکمال ایتماش اولمسنن
 ناشی فرمان عالی صادر اولدیغی و یا صاحبی
 طرفندن تعقیب مصلحت اولتمیه رق معدنک
 اولندیغی صورته تحری اثناسنده اخراج اولنان
 مواد معدنیه ک منسوب اولدیغی نوعک قرق

اوچنجی ماده ده بیان اولنان الک یوکسک درجه سنده
 رسم نسبیسی النهرق نقل و فروخته رخصت
 ویریلور

یکرمی برنجی ماده معدن تحریسی ایچون رخصت
 ویرلش اولان حدود معدنیه داخلنده رخصتنامه ک
 حاوی اولدیغی مدت ظرفنده یه اوچنس معدن
 تحریسی ایچون اخره رخصت ویرلر

یکرمی برنجی ماده تحری اولتقدده اولان معدنک
 دکری اکلاشلق ایچون اوروپایه نمونه کوندرملک
 ایستلیدیکی حالده بر دفعه ایچون معدنک جنسینه
 کوره یوز طونیلاتویه قدر رسوم نسبییه سی اخذ
 اولنه رق نقل و اخراجیه مساعدده اولنور رسوم
 نسبییه معدنک جنسینه کوره اشبو نظامنامه ک
 قرق اوچنجی ماده سنده تعیین اولنان الک یوکسک
 مقدار رسم اوزرندن اخذ و استیفا قطنور مواد
 معدنیه ک قیمتی دخی اوروپاده جاری اولان فیئاتدن
 ممالک عثمانیه اسکله سندن اوروپایه قدر لازم کلان
 نول و مصارف سائر بعدالتنزیل متبایقسی اوزرندن
 تعیین اولنه جقدر

یکرمی ایکنجی ماده اون سکزنجی اون طقوزنجی
 یکرمی برنجی ماده لر حکمنه مغایر حرکت ایدنلردن
 یکرمی بش التوندن یوز التونه قدر جزای نقدی النور
 ورخصتنامه استرداد قطنور ورخصتسز مواد

(دردنجی فصل)
 (معادنک شرائط احاله و اعمالی)

یکرمی اوچنجی ماده تبعه عثمانیه دن و یا خود
 دولت علیه ک تصرف املاک حقسنده بیک ایکی
 یوز سکسان اوچ سنه سنده وضع ایتش اولدیغی
 قانونی قبول ایدن دول اجنیه تبعه سندن مفرداً
 و یا بالاشترک معدن اعمالنه طالب اولنلره قوانین
 حالیه و مستقبله دولت علیه یه توفیق حرکت ایتک
 شرطیله رخصت ویریلور

یکرمی دردنجی ماده بر معدنک اعمالنه رخصت
 ویرلزدن مقدم اوچ ماده ک تحقیق و تدقیق الزمدر
 برنجیسی کشف اولنان معدنک ایشلدلمسی ممکن
 اولیق ایکنجیسی او معدنک جوارنده دیگر معدن
 اولوبده انک تعطیلنه سبب اولیه جغی محقق بولتیق
 اوچنجیسی اعمالاتک دائره اجراسنده قلاع
 و استحکامات بولنوبده انلره مضرتی اولیه جغی
 تحقیق ایتکدر

يکرمی بشیخی ماده بر معدنک موجدی یا معدن نظامنامه سنک احکامی اجرا ایده مامسندن و یا بولدیغی معدنک قرب وجوارنده بولسان دیگر بر معدنه ایراث خسار ایلندن یا خوداستداسنی تعقیب و اجرایه اثبات اقتدار ایتماسندن ناشی معدنک آخره احاله سنه قرار و بولدیکی حالده کاشفه موجدک حقنه مقابل تضمینات اعطاسی مقرر در اشبو تضمیناتک مقداری تحری ایچون اختیار اولنان مصرف و تحریک حال و شاننه نظراً نهایت یارم عثمانلی التوننی تجاوز ایتیه جک اولان بومیدسیله معدنک حاصلات صافیه سندن نهایت یوزده بش درجه سنده اعطا اولنه جق بر مکافات مجموعنه معادل اولق اوزره معادن اداره سنجه تقدیر و تعیین و ملتزم طرفندن تأدیه اولتیق اوزره فرمان عالی به درج اولنه جقدر تضمینات مذکوره تأدیه اولنجه دك احاله اولنان معدن اصحاب مطلوب ایچون بیع الوفا حکمنده در

معادن اداره سی طرفندن تعیین اولنان تضمیناتک مقداری حقنه مبیانت افکار حاصل اولدیغی تقدیرده کیفیت استینافاً شورای دولته فصل ورؤیت اولنور فقط بوقدقیقات احاله معامله سنی تأخیر ایده مز

یکرمی التنجی ماده حق تحری به نائل اولوبده بالتجری کشف و اخراج ابتدکاری معدن ایچون

احاله استداسنده بولنانلر اول امرده باعرضحال معادن اداره سنه مراجعت ایده جکدرر اشبو استداسنده نامه ده شخص واحد ایسه کندو اسم و شهرتی و صنعتی و تبعیتی و اقامتگاهی و اگر شرکت ایسه شرکتک اسم و شهرتلی و اقامتگاه قانونیلری و معدن ایشلمک اوزره تشکلی ایش بر اونیم شرکتی نامه استداسنده اولنش ایسه بونک نمونه توفیقاً تشکلی ایش عثمانلی شرکتی اولدیغی و معدنک موقعی و اعمال ایدیه جک معدن نه قدر عمل استیعاب ایده جک ایسه او محکک حدودلری و اخراج اولنه جق جوهرک جنس و حاصلاتک قنغی صورتله فروخت اولنه جق و لزومی اولان حطب و کور و سایر محروقات اورمان نظامنامه سی احکامنه توفیقاً نه صورتله تدارک ایدیه جکی و اراضی صاحبی وار ایسه انلر نه مقدار تضمینات تأدیه سی تکلیف اولدیغی و معدنک قواعد فیه دأره سنده اعمالنه متعهد ایدوکی بیان و تصریح ایدیه جکدر

یکرمی یدنجی ماده ماده سابقه ده بیان اولنان استداسنده نامه معدن اعمال اولنه جق محکک بش بیکده بر مقیاسنده اوله رق بری برینه عمل اوج قطعه خریطه سی ربط اولنه جقدر

اشبو خریطه ده معدنک حدودی امکان مساعد اولدیغی مرتبه بر اوزرنده ثابت نقطه لانتخاب اولنه رق بونقطه لری پیننده وصل اولنان خطلر

واسطه سیله اراؤه اولنه جق و بونده اخراج اولنه جق مواد معدنیه نك وضعیتی دخی کوستربله جکدر ضابطلر ایله برابر معدنک تحری عملیاتنی اجرا ایش اولان مهندسک راپوری و اثنای عملیاتده اخراج اولنان مواد معدنیه دن تحلیل و حفظ اولتیق ایچون مقدار کافی نمونه سی حکومت محلیه جانبندن محفظه درونه موضوعاً مهور اولدیغی حالده برلکده تقدیم اولنه جقدر

یکرمی سکزنجی ماده معادن متحریلری طرفلرندن اعمال معادن ایچون استداسنده وقوعنده معدنک ابتدای تحریسنده والی ولایت و مهندس طرفلرندن و بریلان معلومات اوزرنده معادن اداره سنده طوتیه جق قیده مراجعتله برابر استداسنده نامه مندرجاتی مواد سابقه احکامنه موافق اولدیغی صورتده دفتر مخصوصنه قید ایدیلور دکل ایسه اکیال و تصحیحی ضمننده صاحبنه اعاده اولنوب اشبو نظامنامه حکمنه تمامیه مطابق اولدجه قید معامله سی اجرا اولنر استداسنده نامه لک معادن اداره سی جانبندن قبول ایله قید و یا خود اعاده سی سرعت ممکنه ایله اجرا اولتیق لازمدر

یکرمی طقوزنجی ماده استداسنده نامه نك قبول و دفتره قیدینی متعاقب مصارفی اصحاب استداسنده حائداولق اوزره کیفیت احاله در سعادته طبع اولنان

معادن اداره سی طرفندن تدقیقات لازمه بعدالاجرا

استدعا نامه نك دفتره قيد اولنديغي تاريخندن اعتباراً التي آي مرورنده فرمان مالينك صدورينه متعلق معاملاتك اجراسي تجيل اولنه جقدر

اوتوز ايكنجى ماده بر معدنك احاله سي ايچون شرطنامه ومقاوله سي معادن اداره سندن بالتنظيم منسوب اولديغي نظارت واسطه سي له باب عاليه ارسال اولنوب شوراي دولته تدقيق اولندقدنصكره لدى العرض متعلق بيوريه جحق اراده سنيه موجبجه فرمان عاليه اعطا اولنه جقدر

اوتوز اوچنجى ماده احاله فرمان عاليه شرف صادر اولدقدنصكره حكم منيفي يكرمي طقوزنجى ماده ده تعيين اولنان محالرده بر دفعه اعلان ايتديريلور وبونك مصارفي دخي فرمان عاليه يي حازر اولان ملتزم طرفندن تسويه اولنور

اوتوز دردنجى ماده با فرمان عالي معدن اعمالنه مأذون اولان ملتزم دولتك رخصتي اولجه تحصيل ايتدكجه مشاركت طريقيه وياخود سائر بر صورته اعمالنه مأذون اولدقلى معدنلى سائر اوجنس معدنلر ايله برلشدير مكه صلاحيتلى اوليوب عكس حركت ايتدكلى حالده عقدواحاله فسخ اولنور

اوتوز بشنجى ماده با فرمان عالي اعمال اولنه جحق معدنك اراضى محدوده سي داخلنده امر عالي مذكورك تصريح ايلديكي معادن ايله مخلوط اوليه رق سائر جنس معدن ظهور ايدر ايسه انك اعمالى ايچون دخي مواد سابقه ده بيان اولنان معاملات اجرا اولنه رق بشقه جه فرمان عالي استحصال اولنق لازمدر بويله بر معدن ظهوريله اخراج واعمالى ايچون رخصت استدعا اولندقدن او محملده معدن اعمال واخرجه ذاتاً با فرمان عالي مأذون اولان ملتزم مدت اعلان ظرفنده طالب اولديغي صورتده شرائط متساويه ايله موجد ترجيح اولنه جقدر فقط موجدلك حقتك تأميني ايچون اشبو نظامنامه در مندرج مواد احكامى بونلره دخي شاملدر

اوتوز التنجى ماده مواد سابقه ده شرائطه توفيقاً فرمان عالي استحصال اولنزدن اول معدن اخراج واعمالنه تشبث ايدنلردن وياخود معدن تحريسي رخصتي حازر اولنلردن وتحرى رخصتنامه سي الوبده يكرمي برنجى ماده ده كوستريلان مقداردن زياده معدن اخراج واعمال ايليانلردن عملياتك جسامتنه ومعدنك اهميته كوره يوز عثمانلى التونندن يك التونه قدر جزاى نقدى الندقدن بشقه اخراج اولنان مواد معدنيه دخي ضبط اولنور وهر كيمه ضررى وقوعبولش ايسه تضمين ايتديريلور

اوتوز يدنجى ماده دولت مالى اولان معدنلر اعمالى دخي اشبو نظامنامه ده مندرج حدود وتضميناته وشرائط اعماليه يه وسائر بو مقوله خصوصاته دائر مواد احكامنه تابع اوله جقدر

اوتوز سكزنجى ماده معادن مكشوفه وياخود متروكه دن اولوبده دولته معلوم ومقيد اولان معدنلر ايله حاله لرى منفسخ بولنان معدنلر معادن اداره سي جابنندن رسماً نشر واعلان وايچابنه كوره بر سنه مزايده سي اجرا اولنوب سنوى الك زياده رسم نسبي ويرر طالبنه احاله اولنور ورسوم ووظائف سائر سي حقنده ديكر معدنلر كبي اشبو نظامنامه موجبجه معامله ايديلور

اوتوز طقوزنجى ماده معادن مكشوفه دن اولوبده دولته معلوم ومقيد اوليان وياخود اشبو نظامنامه نك نشرنندن اعتباراً طقسان طقوز سنه اولنه كنجه يه قدر ايشلنامش اولان معادن معادن غير مكشوفه دن عد اولنه رق متحرى لرى موجدلك حقنه مظهر اولورلر

(بشنجى فصل)
(معادن ملتزمينك حقوق ووظائف)

قرقنجى ماده معادن اعمالى ايچون فرمان عالي

صدورنده بر دفعه يه مخصوص اوله رق معدنك درجه واهميته كوره الى عدد عثمانلى التونندن ايكيوز التونه قدر فرمان خرجى النور

قرق برنجى ماده معدن اعمال ايدنلر ايكي نوع رسم ويرمكه مجبوردر بريسى معدنك با فرمان عالي معين اولان حدودى داخلنده كي اراضينك بهر جيريبي (*) ايچون رسم مقرر ناميله هر سنه استحصال اولنور ديكرى معدنك حاصلاتندن رسوم نسبيه ناميله استيفاء ايديلور

قرق ايكنجى ماده رسم مقرر با فرمان عالي اعمال واخراج اولنان معدنك سطح مستوى افقى اعتباريله بهر جيريبي ايچون سنوى النسي لازم كلان اون غروشدن عبارتدر و بر رسم هر سنه مارت ابتدا سنده تأديه اولنور اعمالات تعطيل اولنسه بيله حاله نك فسخ اولنديغي وياخود ملتزم طرفندن رسماً ترك وقصريد ايلديكي كونه دكين اشبو رسمك هر سنه اعطاسى مشروطدر ملك اولان محالرايله اوقاف صحيه دن اولان اراضينك رسم مقررى اصحابنه وارضى اميريه ايله تخصيصات قبيلندن اولان اراضى موقوفه نك رسم مقررى دولته حائدر

قرق اوچنجى ماده رسوم نسبيه باقر وسيلي

(*) بر جريب يكي اون دوغندر

قورشون و کور کبی قیو و مغاره حفریله اعمال اولنان
معدنلرک حاصلات غیر صافیله سندن یوزده بردن
بشه قدر النور وزمیره و قروم و بوراتلی مواد ایله
لوله طاشی و صیجاق و صغوق میاه معدنیه و پیتول
وزفت و نفت کبی طمر اولیوب بیغین حالنده
بولنان موادک حاصلات غیر صافیله سندن یوزده
اوندن یکریمی قدر استیفا اولنور

اشبو رسوم اوروپایه نقل اولنق اوزره حاضرلش
ویا خود ممالک عثمانیه ده قال و اذابه اولنق اوزره
کسر و تقربق اولنوب جنسنه کوره یقانش
اولان جوهر دن اخذ و تحصیل ایدیلور

رسوم نسبیله جوهرک مواد صافیله سنک اسکله دن
اوروپایه اولان نقلیه سیله قال و اذابه مصارفک
تزیلندن صکره باقی قلان قیمت اوزرندن تعیین واستیفا
قلنور

قرق دردیجی ماده احاله اولنان معدنلرک
تحصیل رسوماتی و معاملات سارهی اول معدنک
بولندیغی ولایت والیسنه عائددر ملتزم معدندن
اخراج اولنان و یا بوکا متفرع دستکاهلرده اعمال
قلنان اشیانک جوهر و مقدار و جنس و قیمتی بر
دفتریومی به قید ایدرک کندوسنه و بریله جنک
نمونه لره توفیقاً هر اوج آیده بر کره انک برر
اجالنی حکومه ویرمه که هر سنه نك ابتداکی
آینده دخی سنه سابقه حاصلاتک دفتریانی والی
ولایته اعطا ایتکه و بو حسابلردن واحوال

سارهدن طولایی والی ولایت طرفندن هر وقت
تفتیش و تحقیق اولنق ایستلورسه دفتر ارزرنده
حساب صحیحی ارائه ایلکه مجبوردر

قرق بشجی ماده رسوم نسبیله مواد معدنیه دن
هر بر جنسک ممالک اجنبیه ده اعلان اولنان فیثاتی
و تزیلی لازم کلان مصارف نقلیه سنی و قال و اذابه
مصارفی حساب متوسط اوزره تعیین ایلدجک
بر جدول موجبیه استیفا اولنور و اشبو جدوللر
القی آیده بر کره فیثات و نول فرقلری اوزرینه صحیح
ایدیلور

قرق التنجی ماده رسوم نسبیله معدنلرک روت
و جسامتنه و اسکله یه اولان بعد مسافه سنه
و اعمالانک صعوبت و سهولتله محروقاتک اهرنیتنه
و قرق اوچنجی ماده موجبیه معدنک جنسنه کوره
معادن اداره سنجه بالتعین فرمان عالی یه درج
اولنور

قرق یدنجی ماده خارجه کوندریله جنک مواد
معدنیه کی یه تحویل اولنزدن اول اسکله دن بزن
اولنهرق رسوم نسبیله سی معدن مأمورلری و یا خود
معادن اداره سی طرفندن مأمور اولان کرک
مأمورلری طرفلردن تحصیل ایدیلور شو قدرکه
ممالک عثمانیه ده قال و اذابه سی تقدیرنده قبل الانابه

معدن مأمور لری معرفتلیله وزن اولنهرق قرق
اوچنجی ماده موجبیه محلیله اخذ و استیفا قلنور

(مابعدی وار)

قسم غیر رسمی

(محکمه تمیز جزا داریه سی)

جنس جزا سیله محکوم اولنلرک محکمه تمیزیه
مراجعه لرلنده حال موقوفیتده و یا خود تحت
کفالتده بولندقلرینه دائر حکمی و برن محکمه دن
استحصالی لازم کلان رسمی ورقه یی تمیز
استدلالرینه ربط ایللری لازم کله جکنه و عکسی
تقدیرده استدلالک رد ایدیلدجکنه دائر بوکره
محکمه تمیز استدعا دایره سندن صدور ایدن فی ۱۵
ذی الحجه سنه ۳۰۴ و فی ۲۲ اغستوس سنه
۳۰۳ تاریخیه مورخ ۳۰۸ و ۳۲۳ نومرولی ایکی
قطعه اعلام بروجیه زیر درج قلنور

سلطان سلیم محله سی امامی جدی افتدی یه نخل

ناموس سوز سوللرند نظولایی اوچر کون مدت
حبس لری حکمی حاوی محکمه استیفا جنجه
دایره سندن صادر اولان فی ۲۳ کانون اول سنه
۳۰۱ تاریخلی اعلامک تمیزینی مستدعی خطیب
مصلح الدین محله سی ساکنه لرندن عایشه و شریفه
زینب خانم لر طرفلردن اعطا قلنسان ۳ و ۴
کانون اول ۳۰۱ تاریخلی ایکی قطعه استدعا نامه
و اوراق متفرعه سی باش مدعی عمومیلک مأموریت
علیه سنک تبلیغ نامه سیله برابر محکمه تمیز استدعا
دایره سنده لدی التدقیق مذکور استدعا نامه لر
تفهیم قرار تاریخی ایدیکی اعلام مذکور
مندرجاتندن اکلاشیلان اوچیزوز بر سنه سی
تشرین ثانیسنک اوتوزنجی کوندن اعتباراً مدت
قانونیه سی ظرفیتده ویرلش و شرائط تمیزیه
جمله سندن اولان بشر لیره جزای نقدینک ایفا سنه
مزبور تانک عذیم الاقدار اولدقلرینه دائر مرجع
رسمیدن مصدق ایکی قطعه شهادت نامه دخی مربوطاً
اعطا قلنش ایسه ده مزبور تانک حال موقوفیتده
و یا خود کفالت التنده بولندقلرینه دائر ورقه رسمیه
موجود اولمدیغندن مذکور استدعا نامه لر قبولی
اصول محاکمه جزائیله قانون موقتسنک اوچیزوز
یکرمی یدنجی ماده سنه مغایر کورنمکله ردینه فی
۱ اغستوس سنه ۳۰۳ تاریخنده متفقاً قرار
ویرلدی

ارنبود حسن اغايي ضرب ايتسندنطولايي برهفته مدته
حبسي حکمني حاوي ادرنه ولايتي استيناف
محکمه سي جزا دائره سندن وجاهاً عليه صادر
اولان في ٢٦ ايلول سنه ٣٠١ تاريخي اعلامک
تميزيني مستدعي ادرنه نك غازی حواجه محله سندن
اوتلجي بدروس طرفندن اعطا قلنان في ٢
ايلول سنه ٣٠١ تاريخي استدا نامه واوراق
مترعه سي باش مدعي عموميلک مأموريت
عليه سنک تبليغنامه سيله برابر محکمه تميز استدا
دائره سنده لدی التديق استدا نامه مزبور قرار
تاريخندن اعتباراً مدت قانونيه سي ظرفنده ویرلش
وشرائط تميزيه جله سندن اولان بش ليره جزای
تقدینک ابفاسنه محکوم مرقومک عديم الاقتدار
اولديغي اولبايده کی عرضحالی ظهرنده مرقم محلی
ویرکو مدیتسک درکنساری مآلندن منفهم اولمش
ایسه ده حال موقوفیتده ویاخود تحت کفالت
بولنديغه دائر ایجاب ایدن ورقه رسمیه مربوطاً
اعطا قلنامش اولديغندن استدا نامه مزبورک
قبولی اصول محاکمه جزایه قانونک اوچیز
یکرمی یدنجی ماده سنه مغایر کورنمکه ردینه ٢٢ تموز
سنه ٣٠٣ تاريخنده متفقاً قرار ویرلدی

(طقسان یدی سنه سي شهر تشرین ثانیسنک)
(اوچنجی صالی کجه سي ارزنجان قصبه سنده)
(کائن کورابی محله سي اهاالیسندن حضر)
(اوغلی احمدک خانه سي قپوسنه اناخار)
(اویدیره رق کشادواشیا سرفت ایتسندنطولايي)
(مظنون علیه اولان قصبه مزبورک بندرلی)
(محله لی یاغلیچی بکر اوغلی احمدله اوچیز)
(سنه سي نیسانک ایکنجی بازار ایرتسی کجه سي)
(ترزی طرتادک مغازه سنه دخول ایله اشباسنی)
(سرقت ایتدکری دعوی اولنان ینه یاغلیچی)
(بکر اوغنی مصطفی وبونله یتاقلق ایدن)
(سلامی محله سي اهاالیسندن امین اوغلی کرچک)
(احمد وکی قریه لی سلیمان اوغلی حاجی ماندو)
(وکذلک اوچیز سنه سي اغستوسک اون)
(اوچنجی پنجشنبه کجه سي قوندره جي انیانک)
(دکانی کشاد واشیا سرفت ایتدکری ادما)
(ایدیلان مرقوم حاجی ماندو ایله طاشچی)
(محله لی محمود اوغلی بدل محمدک محاکمه علیه لی)
(ضبطنامه سي صورتیدر)

طقسان یدی سنه سي شهر تشرین ثانیسنک اوچنجی
صالی کجه سي ارزنجان قصبه سنده کائن کورابی
محله سي اهاالیسندن حضر اوغلی احمدک خانه سي
قپوسنه اناختار اویدیره رق کشاد واشیا سرفت
ایتسندن طولايي مظنون علیه اولان قصبه مذکورک
بندرلی محله لی یاغلیچی بکر اوغلی احمدله اوچیز

سنه سي نیسانک ایکنجی بازار ایرتسی کجه سي
ترزی طرتادک مغازه سنه دخول ایله اشباسنی
سرفت ایتدکری دعوی اولنان ینه یاغلیچی بکر
اوغلی مصطفی وبونله یتاقلق ایدن سلامی محله سي
اهاالیسندن امین اوغلی کوچک احمد وکی قریه لی
سلیمان اوغلی حاجی ماندو وکذلک اوچیز سنه
سي اغستوسک اون اوچنجی پنجشنبه کجه سي
قوندره جي اغیانک دکانی کشاد واشیا سرفت
ایتدکری ادما ایدیلان مرقوم حاجی ماندو ایله
طاشچی محله لی محمود اوغلی بدل محمدک جنایتله
اتهاملرینه دائر ارضروم ولايتي محکمه استینافیه
سي نزدنده بولنان هیئت اتهامیه دن تنظیم اولنان
في ٢ جادی الاخر سنه ٩٩ وفي ٢٦ رمضان
سنه ٣٠٢ وفي ١٥ ذی الحجه ٣٠٢ تاریخ واون درت
والتمش التی ویز ایکی نومرولی اوچ قطعه مضبطه
ایله ارزنجان مدعی عمومی معاوندلکک باتوارنج
مختلفه اوچ قطعه اتهامنامه سیله ارزنجان لوا بدلا
یت محکمه سنک جزا دائره سنه اعطا اولمغله و مربوط
معاملات ابتدایه ضبط ورقه سنک ناطق اولديغي
اوزره مذکور مضبطه و اتهامنامه لر مدت معینه
قانونیه لی ظرفنده متهمون مرقومونه تبليغ ایديله
رک دها برکونه دائره استنطاقده مظنونیتلرینی
موجب اوراق قالمديغي معاوندلک مزبور دن اخبار
اولمغله في ١٣ اغستوس سنه ٣٠٢ تاریخنه
مصداق اولان چهارشنبه کونی رئیس حاجی
محمد نصرت بک ایله اعضا احمد وشواریش وملازم

اعضا صالح وارتین افندیلر بالاجتماع مرقومون
مصطفی وبرادری احمد وحاجی ماندو وبدل محمد
وکوچک احمد توقیفخادن جلب ایله وکیللری ابراهیم
رشاد وارتین ماهر افندیلر یانلرنده اولديغي ومدعی
عمومی معاونی رمزی افندی ومدعی شخصیلردن
یالکز قوندره جي غیا حاضر بولنديغي حالده محاکمه
علیه لرینه مباشرت اولنه جفی صره ده معاونی
مومی ایله کلامه مسابقتله حاضر بالمحاکمه بولنان
حاجی ماندو وکوچک احمد وبدل محمد واحد و
دری مصطفی جفور محله لی ترزی طرتادک لیلاً
مغازه سي دیوارینی دله رک وکورابی محله لی خضر
اوغلی احمدک خانه سي قپوسنی آلت مخصوصه ایله
آچهرق وقوندره جي اغیانک کذلک دکانی دیوارینی
دله رک اشیا سرفتی ویتاقلق تمهینه هیئت اتهامیه
جه اوچ قطعه مضبطه ایله جنایتله متهم اولدقنندن
وشو حالده مضبطه متعدد بولنديغي متهمده تعدد
ایلش اولديغندن اصول محاکمه جزایه قانون مو
قتنک ایکیوز التمش برنجی ماده سي حکمنه توفیقاً
هر اوچ ماده نک برکدیرلرک اولوجهله محاکمه لرینک
اجراسنی طلب ایتمکه لدی المذاکره بموجب طلب
مضبطه متعدد و متهمده تعدد ایلش اولديغندن ماده
مذکوره حکمنه توفیقاً هر اوچ ماده نک برلشدیرلر سنه
متحداً قرار ویریلرک اولوجهله محاکمه علیه لرینک
اجراسنه مبادرت و مرقومون جانب ریاستدن
استجواب ایدلکده بولنردن حاجی ماندو قرق یاشنده
دکر مانجی وبدل محمد یکرمی بش یاشنده قهوه جي

وباغیچی بکر اوغلی اجد او توز ایکی یاشنده نعلبند
ومصطفی یکریمی درت یاشنده قوندره جی و کوچک
اجد قرق یاشنده اوتوراجی اولدقزینی سولیلریله
کندولرینه و وکیلاری ابراهیم رشاد وارتین ماهر
افندیله قانون مذکورک ایکیوز التمش دردنجی
وایکیوز التمش بشنجی مادهلری مدلولاتی بعدالاه
خطار اتهام مضابطیله اتهامنامه لر ضبط کاتبی محمود
افندی به قرائت ایتدیرلدی
مضابط مذکورہ مالری مظنون علیهم مرقوموندن
باغیچی بکر اوغلی اجدک مدعی شخصی حضراو
غلی اجدک خانه سندن لیلآ آلت مخصوصه استعمالیله
قبوسنی اجدرق فعل سرقتہ جسارت ایلدیکی اشیا
مسروقه نیک برادری مصطفانک خانه سندن ظهور ایتسیله
یولده بولهرق اورایه قویدیغی حقندہ کی سبق ایدن
اقرار مؤله و آندا مرقوم اجدو برادری مصطفانک
معادیکر مدعی شخصی ترزی طر تادک لیلآ مغازه سی
دیوارینی دلهرک اشیا سرقت ایتدکاری خانه لرنده ظهور
ایدن مال مسروقک مرقوم طر تادک اولدیغی اخبارات
ایله تحقیق ایلدی و اجدک سابقه لوطاقدن بولنمسی دلائل
و بواسیادن بر مقدار بیک صرفی ایچون کوچک اجد
وحاجی ماندو به تسلیم ایتدکاری بدو خانه لرنده نمونه
سنک ظهور و صورت و محل اخذی حقندہ سبق ایدن
افادہ لری و آنف الاسم حاجی ماندو و بدل محمد دخی
دیگر مدعی شخصی قوندره جی اغیانک لیلآ اشیا
سنی سرقت ایتدکاری و محمدک عسکر فراریسی اولوب
سابقه لی طاقدن اولان اجدہ رفاقت دائمہ سی بولنمسی

وحاجی ماندو نیک دخی کذاک یدندہ اشیا
مذکورہ دن بر چفت قوندره طوقلسی بر اهنیله فاعل
سرقت اولدقزینی تحقیق ایتش و مرقوموندن
اجدو مصطفانک فلاری قانون جزانک یوزیکر منجی
وحاجی ماندو و بدل محمدک حرکتلری دخی قانون
مزبورک ایکی یوزیکر منجی و کوچک اجدک فعلی
قانون مزبورک ایکی یوز اون التجی مدہ لری
احکامنی استلزام ایدر افعال جنائیہ دن بولنمش اولغله
ارزنجان بدایت محکمه سندہ محاکمہ لری اجرا
اجرا اولنق اوزره جنایتله اتهاملرینه بالانجا قرار
وبریلوب موقوف اولدقزینی جهتله اخذ و گرفت
امری اعطاسنه حاجت قالدیغی تحت قرارہ اندیغی
مبنیدر اتهامنامه لر مؤداسیدہ مضابط مذکورہ
مندرجاتی وجهله مرقوم اجدو مصطفی وحاجی
ماندو و بدل محمد و کوچک اجدک متهم بولندقزینی
بیاندن عباتدر قانون مزبورک ایکی یوز التمش
التجی ماده سی احکامنه تطبیقاً اتهامنامه لرک خلاصہ
رئیس محکمه طرفندن متهمون مرقومونہ تفہیم
و معاون مومی الیه دخی متهمون مرقومونک
اتهاملرینی موجب اولان اسبابی بیان و شرح
و شہود پوصلہ سنی تسلیم ایلہ جہراً رائت
اولندقدن صکرہ مرقومون لدی الاستجواب متهم
حاجی ماندو بر قطعہ ورقہ جوابیہ اعطا بلکلہ
قرائت اولندی خلاصہ مالی اسباب اتهامی ولان
قومشورلی حضورندہ بش فود حنطہ و بر چوال
مقابلندہ بر چفت قوندرہ جی کی قریہ لی طارجلی

اسماعیل نام کیسه دن صاتون الوب بعدہ سواری
ضبطیہ سی علی اونباشی قریہ لرینہ کلسیله
قوندرہ لرک مال مسروق اولدیغندن کیری ویرلسنی
سولیسیلہ کیرو ویردیکنی و اسماعیلدن اخیراً بغدادی
و چوالی طلب ایتدیکنندہ صرف ایدوب پارہ سیدہ
اولدیغنی بیان ایدرک ارقہ سندن صاقوسنی چیقاروب
ویردکدن و بر قاج کون صکرہ کلوب (صاقوبی
ویر پارہ کی ویریم) دیدیکی و کندوسی دیار آخرہ
کیتدیکی وقت اسماعیل چوال ایلہ خنطہ سی
کتورر ایسہ رد ایتک اوزره مذکور صاقوبی
قائم برادرینہ تسلیم ایتدیکی وقائم برادری دخی
کیہرک شہرہ کلوب عودتندہ دباغخانہ اوکندہ
مرقوم اسماعیل طوتوب الملق استدیکنندہ (سنکدر)
فقط انشتہ مک سندہ اولان چوال و خنطہ سنی
و بر ایسہ ک ویرم دیدیکی دخی اثباتہ مقتدر ایدوکی
افادہ سندن عبارت اولدیغی کی طلبی اوزرینہ
مستنطق حضورندہ کی افادہ مضبوطہ سی قرائت
اولندقدہ کندی افادہ سی اولدیغنی و فقط ورقہ
مزبورہ دہ بیان ایتدیکی صاقو ماده سی یازلسامش
ایدوکنی علاوه مقال ایلدی متهم بدل محمد دخی
ذات الزوجه و خانہ صاحبی اولدیغندن پدرینک
خانہ سندن مال مسروق ظهور ایتش ایسہ جزاسنہ
راضی اولہ جغنی سولیکلہ معاون مومی الیه رمزی
افندیک طلبی اوزرینہ اوراق استنطاقیہ دہ بدل محمدک
زوجه سی سر لوحہ سی التندہ محبوبہ نیک تقریری
قرائت اولندقدہ کندوسنک او اسمدہ زوجه سی

بولندیغنی تکرار و مدافعه و کیلی ابراهیم افندی دخی
مؤکلنہ زوجه اسنادی تصنیعات اولدیغندن
تحقیق ماده ایلدسنی تذکار ایتلریله مزبورہ محبوبہ
جلب و استجواب ایلدکدہ استنطاق اولدیغنی
وبدل محمدی طانیمسوب کندوسنک زوجی
ایکی سنہ اول وفات ایتدیکنی سولیسیلہ مرقوم
بدل محمد زوجی اولدیغنی و خانہ سندن ظهور ایدن
قوندرہ ولاپچینی باغیچی بکر اوغلی اجد
کتوردیکی حقندہ کی استنطاقی قرائت اولندقدہ
(استنطاق طوغریسنی سولیلور دہابن نہ دیہیم)
دیو جواب اولنی تصدیق ایتلشدر دیگر متهم
باغیچی بکر اوغلی اجد دخی برشیدن خبری اولدیغنی
و قوربان بایرامنک دردنجی کونی عسکر لکلہ کاور
از میرنہ کیدوب حقندہ اسناد اولنان فعل تصنیعات ایدو
کنی و بدل محمدک خانه سنہ دہ قوندرہ کونور مدیکی
و مدافعه و کیلاری ابراهیم وارتین افندیلر دخی
مؤکلرینک اتهاملرینہ سبب اولان افعال اتهام
مضبوطہ سندہ کوستریلان یوزیکر منجی ماده ایلہ
تطبیق قبول ایتیمہ جکندن بوجهتک تحقیق طلب
ایتدکاری کی اعضانک معذرتی بیان اولنقسزین اعضا
ملازمنک ہیئت اتهامیہ دہ بولنمسی تنظیم اولنان مضبوطہ
علیہندہ مفسوخیتی موجب اولدیغندن مفسو
خیت ادعا سنندہ بولندیغنی یالکز ارتین افندی دیمکلہ
و وقتک مساعدہ سی قالماغله بوجهتک مذاکرہ سی
فردایہ تعلیق قلندی
یوم مذکورہ ایچسابی لدی المذاکرہ اتهامنامه نیک

سياق و سباقه نظراً افعال مذکورہ دن طولانی یوزیکر منجی مادہ بہ توفیق مسئلہ ایدلسی سہودن نشأت ایلدیکی ملحوظ بولندیغندن بوجھنک ہیئت اتہامیہ دن استیضاح واستعلامہ متفقاً قرار ویریلوب تفہیم قلندی

اوجیوز اوچسندسی ذی الحجہ سنک اوتوزنجی کونہ مصداق اولان اوج یوز ایکی سندسی ایلولنک اون التجی کونی ہیئت سابقہ بالاجتماع متہمون مرقومون توقیفخانہ دن جلب و وکیلاری ابراہیم وارتین افندیلر یانلرنده اولدیغی ومعاون مومی الیہ موجود بولندیغی حالده اکمال محاکمہ علنیہ بہ ابتدار وضبط سابق قرائت و ہیئت اتہامیہ جہ تصحیح اولنان مضبطہ قرائت اولنہرق ایکیوز یکرمنجی مادہ قانونیہ بہ تصحیح ایلدیکی اکلاشدقندن صکرہ متہم حاجی ماندو ومصطفانک وکیلاری ارتن ماهر افندیکنک مضبطہ علیہندہ کی آنف البیان مفسوخیت ادعاسی اوزرینہ ایجابی مذاکرہ اولندقدہ مفسو خیت ادعاسی معاملات تبلیغیہ قانونیہ ومدت معینہ سندن صکرہ وقوعو لدیغندن اصول مزبورک ایکی یوز الی التجی مادہ سنک ایکیمی و اوجنجی فقرہ سی حکمنہ توفیقاً اشبو مادہنک حکم قطعیسندن صکرہ تمیز ایتکک حقلری باقی قالمق اوزرہ محاکمہ بہ دوام اولنسی لزومہ قرار ویریلوب تفہیم قلندی

بونک اوزرینہ متہم وکیلاری ارتن ماهر افندی کلامہ مسابقتلہ مؤکلرندن مصطفی برائت ایتش اولدیغندن محاکمہ بولنماسی ایجاب ایدہ جکی افادہ سنہ قارشو مرقوم مصطفی بر مادہ دن ہیئت اتہامیہ جہ تبریہ

ایتش ایسہدہ دیگرندن متہم بولندیغندن و ہر ایکی اوراق دخی برلشدیکندن محاکمہ دہ بولنسی طبیعی ایدوکی جانب ریاستدن تفہیم قلندی

متہم مصطفی دخی خانہ سندن چیقان اشیای برادری اجد بر کون کتوروب خانہ سندہ حفظ ایدلسی تکلیف ایتسی اوزرینہ رد ایتش ایسہدہ سلاحلہ تہدیدات وتخویفانده بولنسنہ مبنی بالضرور قبول ایتدیکنی وترزی طرناک کندی خانہ سندن چقان اشیای کیمک طرفندن قونلدیغندن معلوماتی اولدیغنی و کوچک اجد دخی خانہ سندن ظہور ایدن اشیای باغیمی بکر اوغلی عمر ومصطفی واسطہ سبلہ بر عسکرہ بوج ویردیکی ایکی لیراہہ مقابل رہن صورتیلہ مرقوماندن الدیغنی سویلدیلر شہرد بوصلہ سندہ اسمی محرر کی قریہ لی صافیہ بنت حسینندن اسم وشہرت و سن لدی السوال عبدالکریم قزی اوتوزیش یاشندہ ایدوکنی افادہ ایتسیہ بعد التحلیف استماع اولندقدہ بومادہ دنطولای اصل استنطاق اولندیغنی ودیکر شاهد کی قریہ لی یکرمی الی یاشندہ محبوبہ بنت محمود دخی کذا استنطاقند حاجی ماندو طاوولی اسماعیلہ قوندورہ صاندیغنی سویلشکن بوکرہ حاجی ماندونک اسماعیلدن قوندورہ صاتون الدیغنی واستار بیچمک اوزرہ مرقوم اسماعیلک کندوسنہ کتوردیکی بر صاقویہ سطرنج استار بیچدیکنی سویلدی بونک اوزرینہ معاون مومی الیہ رمزی افندی مزبورہ محبوبہ حاجی ماندونک تبریہ سنی تسہیل ایچسون شہادتنی انکار

وکندوسندن هیچ صورلیان صاقو مادہ سنی اسماعیلی متہم وحاجی ماندونک تبریہ سی مقصدیلہ سرد ایلدیکنندن وذاتاً دیگر مادہ دنطولایسہدہ موقوف بولندیغندن اختلاطدن منعیلہ دیگر شاهدلرک استماعنی طلب ومزبورہنک شمدیکی افادہ سنک مقبولیتی لزومنی متہم وکیلاری ارتن ماهر افندی بسط ایتکک لدی التأمل واقع وجہلہ مزبورہنک اختلاطدن منعیلہ ودیکر شاهدلرک اوجیوزایکی سندہ سی ایلوانک یکرمنجی جمعہ ایرتسی کونی استماعنہ قرار ویریلوب تفہیم قلندی (مابعدی وار)

اعلان

یک اوجیوز ایکی سندہ سی کانون اولنک اونبرنجی کوتی بحریہ فریقاندندن سعادتلو اجد راتب پاشا حضر تیرینک حیدر پاشادہ واقع کوشکندہ باغچیلیق ایدن عثمانک جرح وقتلندنطولای مزنون علیہ اولوب مذکور کوشکدہ باغچوانلق ایدن تخمیناً اوتوز بش یاشندہ اورتہ بویلی قرمزی یوزلی سیوری برونی از ضعیفجہ وصول قاشنک اوستندہ التیام بولش یارہ اثری ودوز آلنلی سیوری چککلی الا کوزلی صاری صایج و بیق وقاشلی اشقودرہ لی اسماعیل فرار ایتسندن وحققندہ اجرا قلنان تحقیقات اوزرینہ ہیئت اتہامیہ دن جنایتلہ اتہامنہ قرار ویرلسندنناشی حقتندہ اصول محاکمات جزائیہ قانون موقتک اوجیوز یتش

برنجی مادہ سی موجبجہ معاملہ غیایہ ایفا ومحکمہ جنایتدہ غیاباً محاکمہ علنیہ سی اجراقلندہرق قانون جزانک یوز یتش دردنجی مادہ سنک فقرہ اولیسنہ توفیقاً مرقومک اونیش سنہ مدتلہ کورکہ قولسسنہ واوتوز برنجی مادہ قانونیہ منطوقجہ حقوق مدنیہ دن بالاسقاط اموالنک جزینہ غیاباً حکم اولنش وقانون موقت مذکورک اوجیوز یتش یدنجی و اوجیوز یتش سکرنجی و اوجیوز سکسان برنجی مادہ لریلہ مواد سائرہ سی احکامنہ توفیق معاملہ ایدلسی مرجعنہ بیلدیرلش اولغلہ اعلان کیفیتہ ابتدار قلندی

فی ۲۳ ذی الحجہ سنہ ۳۰۴

فی ۳۱ اغستوس سنہ ۳۰۳

اليساوى بنت پنايوطك بغون بدايت محكمه سي حقوق دائره سندن تنظيم واعطا قلندان في ۳ تشرين اول سنه ۳۰۲ تاريخي اعلام موجبجہ بغچوان انسطاشہ اولان دینی معلوم المقدار مبالغک تسویہ سی ضمنندہ بیوک درودہ اسپانیہ زقاغندہ واقع یکرمی درت نومرولی بر باب بقال دکانک قرق اچہ اعتباریلہ متصرف اولدیغی اونبرسم ونصف سدس حصہ سی عند المزیادہ یک التیوز وینہ محل مذکورہ یکرمی ایکی نومرولی عرصہ دہ ینہ قرق اچہ اعتباریلہ متصرف اولدیغی اونبرسم ایلہ نصف سدس حصہ سی اوجیوز یکرمی

بيوك چكجه اجرا مأمور لغنه مراجعت ايتلری
اعلان اولنور في ١٤ ايلول سنه ٣٠٣

حاجي احمد افنديك بکقوز بدايت محکمه سي ٢٠٢
نومرولو بر قطعه اعلام موجبجه بکقوز قضاسنه
تابع قلیلی قریه سنده ساکن جودار اوغلی سلیمان
رئیس ذمتنه معلوم المقدار الاجفک استیفاسی
ضمننده دائره اجرادن محجور اولان ٣٣٥٠ و
٤٠٤٧ نومرولی قوری وچاللیق تاریخ اعلاندن
اعتباراً اون بش کونصره مزایده وضع اولنه
جغی اعلان اولنور

في ١١ محرم سنه ٣٠٥
وفي ١٦ ايلول سنه ٣٠٣

دولت علیه تبعه سندن بکقوزده ساکن قال
یانینک بکقوز قضاسی بدايت محکمه سنک ٢٠٢
نومرولی بر قطعه اعلامی موجبجه قضاء مذکور
تابع صره پکار قریه سنده ساکن کیریدی صالح اغا
ذمتنه الاجغی اولان مبالغ معلومه نك تأمین
استیفاسی ضمننده محکمه مذکور اجرا دأراسندن
مقدم تحت حجزه النان قریه مذکورده واقع متصرف
اولدیغی ایکبیک غروش قیملو التي نومرواله مرقم
برباب بقال دکانی تاریخ اعلاندن اون بش کونصره
مزایده وضع اولنه جغی اعلان اولنور

في ١٦ محرم سنه ٣٠٥
وفي ٢١ ايلول سنه ٣٠٣

وبنه محل مذکورده اون نومرولی عرصه ده قرق
سهم اعتباریه متصرفه اولدیغی اونبر سهم ونصف
سدس حصه سی یک الی وبنه مذکور زقاقده
اوج نومرولی خانه ده یوز یکرمی اچه اعتباریه
متصرف اولدیغی اونبر سهم ونصف سدس
حصه سی بشیوز الی وبنه زقاق مذکورده بر
نومرولی دکانده یوز یکرمی سهم اعتباریه متصرفه
اولدیغی اونبر سهم ونصف سدس حصه سی
ایکیوز وبنه مذکور زقاقده یکرمی نومرولی
اتکچی دکانده یوز یکرمی سهم اعتباریه متصرفه
اولدیغی اونبر سهم ونصف سدس حصه سی
بشیوز التمش غروش بدل ایله طالبلری عهده سنده
تقرر ایلدیکنندن مذکور بدلار اوزرینه یوزده
بش ضمیمه طالب اولنلرک تاریخ اعلاندن اعتباراً
اوتوز بر کون ظرفنده بک اوغلی بدايت
محکمه سی اجرا مأموریتنه مراجعت ايتلری اعلان
اعلان اولنور في ١٤ ايلول سنه ٣٠٣

بيوك چكجه لی اریستیدینک قلیقراطیه لی یورمی
اوغلی مانول ذمتنه الاجغی اولان مبالغ
استیفاسی ضمننده مدیونک قریه مزبورده چکارلی
خان زقاغنده سکز نومرولی مع قهوه خانه نعلبند
دکانیه پولایه بولی موقعنده اون اوج نومرولی
یدی دوئم اوج اولک باغده کی اوتوز ایکی سهم
اعتباریه یدیشر سهمی تاریخ اعلاندن اونبشکون
صکره مزاد ایدیه جکندن ظهور ایدیه جک مشتریلرک